

PRIPREMA ZA SAMOSTALAN ŽIVOT REZULTATI PROJEKTA



SOS DJEČIJA
SELA
BOSNA I HERCEGOVINA

VAŽNO MI JE



Projekat *Važno mi je: priprema za samostalan život* u Bosni i Hercegovini je, kao dio međunarodnog SOS Kinderdorf International projekta, krenuo sa radom početkom 2009. godine i trajao do kraja 2013. godine. Krajnji rezultat projekta bio je da javnost bude bolje informirana i da bolje razumije probleme i pitanja sa kojima se mladi suočavaju.

Naši partneri i saradnici u ovom projektu bili su svi oni čiji je jedan dio posla posvećen djeci i mladima bez roditeljskog staranja: iz vladinog sektora (državna, entitetska i kantonalna ministarstva, centri za socijalni rad, institucije za brigu o djeci bez roditeljskog staranja, hraniteljska udruženja), zatim brojne nevladine i međunarodne organizacije (Hope and Homes for Children, Save the Children, World Vision, UNICEF), Institucija ombudsmana BiH, kao i Ambasada Kraljevine Nizozemske u Bosni i Hercegovini koja je više od dvije godine podržavala projektne aktivnosti.

Opći cilj projekta bio je obezbijediti mladima koji žive u alternativnim oblicima zbrinjavanja adekvatnu pripremu za odlazak iz javne brige i da im svi postojeće servisi i usluge budu dostupni.

Njega smo realizirali kroz **tri specifična cilja** i niz aktivnosti u svakom od njih:

- **Bolje razumijevanje pitanja** sa kojima se suočavaju mladi koji napuštaju javnu brigu nastojali smo postići kroz izradu i distribuciju brojnih materijala, kao i organizaciju različitih događaja na kojima se govorilo o pitanjima važnim za mlade koji se pripremaju za samostalan život. **Glavni rezultat** ovih aktivnosti je da profesionalci i donosioci odluka imaju dostupne informacije i materijale o problemima sa kojima se suočavaju mladi koji napuštaju javnu brigu u Bosni i Hercegovini. Sve navedene materijale štampali smo i distribuirali tokom pomenutih događaja koje smo samostalno ili u saradnji sa partnerima i saradnicima organizovali, na treninzima, kao i na brojnim sastancima sa predstavnicima vladinog i nevladinog sektora. Također, svi materijali su dostupni na web stranici organizacije: www.sos-ds.ba
- **Učestvovanje mladih** i njihovo osnaživanje, kroz uključivanje u sve segmente projekta, realizirano je kroz slijedeće aktivnosti: mladi su bili dio Nacionalnog projektnog tima, dvije mlade osobe su bile članovi Internacionalnog vijeća mladih, sa mladima su obavljene konsultacije tokom izrade Analize situacije u zemlji koja se odnosi na mlade, učestvovali su u istraživanju i definiranju preporuka baziranih na ličnim iskustvima, zatim u izradi omladinskih verzija dokumenata nastalih tokom projekta, u davanju sugestija na Priručnik za profesionalce i Vodič za mlade, u završnoj evaluaciji projekta, kao i u redovnim godišnjim okupljanjima mladih koji su odrastali u SOS porodicama. **Glavni rezultat** ovih aktivnosti je da su mladi koji se pripremaju za samostalnost imali brojne prilike da izraze svoja mišljenja i očekivanja, kao i da daju preporuke profesionalcima i javnosti na koje im načine mogu pomoći u procesu osamostaljivanja.
- **Zagovaranje za unapređivanje zakonodavstva i prakse** ili makar implementaciju postojećih zakonskih odredbi, čiji je **glavni rezultat** usmjeren na poboljšanu primjenu postojećih zakonskih rješenja u oblasti napuštanja javne brige, kao i na kreiranje standarda i novih zakonskih rješenja koja bi podržala bolju pripremu i osamostaljivanje mladih.

Aktivnosti smo realizirali zajedno sa mladima i partnerima, a one su podržavale jedne druge i naslanjale se na rezultate prethodno realiziranih, tako da su sve zajedno doprinosile realizaciji općih i specifičnih ciljeva projekta.

Podijeli smo ih u nekoliko grupa:

1. Izrada dokumenata

- Standardi SOS Dječijih sela koji se odnose na izlazak iz javne brige, sažetak
- Važno mi je: Priprema za samostalan život, analiza situacije u zemlji u pogledu prava mladih koji napuštaju javnu brigu
- Sažetak Analize situacije u BiH u pogledu prava mladih koji napuštaju javnu brigu
- Omladinska verzija Analize situacije u BiH u pogledu prava mladih koji napuštaju javnu brigu
- Važno mi je: Priprema za samostalan život, letak o projektu
- Omladinska verzija projekta Važno mi je: priprema za samostalan život
- Informativni dokumenti, šest brojeva sa domaćim i međunarodnim iskustvima mladih u osamostaljivanju
- Važno je da znate, životne priče i preporuke mladih koji imaju iskustvo javne brige
- Djeca i mladi u alternativnoj brizi: Otkrij svoja prava; publikacija, letak i poster
- Korak u budućnost: Kako pomoći mladima da se što bolje snađu po izlasku iz javne brige, priručnik za profesionalce i letak o priručniku
- Šta sada: izazovi pred tobom, vodič za mlade koji napuštaju javnu brigu i letak o vodiču

2. Organizacija različitih događaja (konferencije, okrugli stolovi, sastanci, treninzi) za razmjenu postojećeg iskustva o pitanjima mladih koji napuštaju javnu brigu, isticanje važnih pitanja i iniciranje promjena u politici i praksi

- Dječija nedjelja
- Godišnje okupljanje uposlenika socijalne zaštite iz Bosne i Hercegovine
- Godišnji susreti mladih koji imaju ili su imali iskustvo brige u SOS porodicama
- Treninzi za profesionalce o primjeni Priručnika za profesionalce i Vodiča za mlade koji napuštaju javnu brigu

3. Korištenje prilika za utjecaj na unaprjeđenje zakonodavstva. Predstavnici SOS Dječijih sela BiH učestvovali su u izradi državnih standarda za zaštitu djece i mladih bez roditeljskog staranja u oblastima:

- zbrinjavanja djece bez roditeljskog staranja u dječijim selima
- zbrinjavanja djece bez roditeljskog staranja u hraniteljskim porodicama

Također, koristili smo i **međunarodne mehanizme izvještavanja** kao „nježni“ pritisak na državne vlasti da preuzmu odgovornost i aktivnu ulogu u promoviranju i rješavanju pitanja sa kojima se suočavaju mladi tokom procesa napuštanja brige. Predstavnici SOS Dječijih sela BiH učestvovali su u izradi dva međunarodna izvještaja i u njih ugradili preporuke koje se odnose na pitanja mladih koji napuštaju javnu brigu:

- Univerzalni periodični izvještaj za BiH, podnesen 8. septembra 2009. godine Vijeću za ljudska prava u Ženevi
- Godišnji izvještaj Delegacije Evropske komisije o napretku u oblasti ljudskih prava, podnošen svake godine u periodu od 2009. do 2012. godine



VAŽNO MI JE

SOS Kinderdorf International

Predstavništvo u BiH

Semira Frašte bb

71 000 Sarajevo

Bosna i Hercegovina

T/F: + 387 33 465 218

465 323

info@sos-ds.ba

www.sos-ds.ba